

ՎԱՀԱՆ ՌՇՏՈՒՆԻ

(Ծննդյան 80-ամյակի առթիվ)

Ստեղծագործական անդուլ աշխատանքի ուղի է անցել գիտության վաստակավոր գործիչ, պատմական գիտությունների զոկտոր, Հայկական ՍՍՀ ԳԱ թղթակից տնօրեն, պրոֆեսոր Վահան Հարությունի Ռշտունին (1894—1970):



Սովետահայ պատմական գիտության ակադեմիկոսներից մեկն էր նա, նշանավոր մանկավարժ, հասարակական գործիչ, որի բաժնավոր ուսուցողական խոսքը նույնչափ բազմաթիվան էր ու գրավիչ էր, որչափ խորն ու համակողմանի էր գիտա-հետազոտական գրավոր ժողովուրդները: Թե՛ մեկը, թե՛ մյուսը արդյունք էին անսպառ աշխատասիրության, երիտասարդության կրթության ու կոմունիստական դաստիարակության գործին նրա բոլորունվեր մասնակցության և մարտնչական աշխատանքի մեջ: Իսկ ավելի նիշտ՝ այդ բոլորի ներդրման ղուգակցումով իմաստավորվեց արժանահիշատակ ֆաղափարն ու խոհուն գիտնականի կյանքը:

Վաղարշապատում, արհեստավոր-գյուղացու ընտանիքում ծնված Վ. Հ. Ռշտունին ուսումնական տարիներին, երբ հայ իրականության մեջ մարտնչական զաղափարների հաղթարշավը անկասելի փաստ էր: Մանուկանալով այդ զաղափարներին, էջմիածնի Գևորգյան նեմաբանի սա-

նր անհաշտությամբ համակվեց կղերական հետադիմության ու սոցիալական անարդարության հանդեպ և մասնակցեց ուսանողական ցույցերի: 1915 թ. հեմսրանն ավարտելուց հետո, այնտեղի հայագիտական մրնոլորտում ձեռք բերած անհրաժեշտ գիտելիքներով, Վ. Հ. Ռշտունին անցավ մանկավարժական գործունեության՝ սկզբում Թավրիզի, ապա՝ Ախալցխայի, Սուխումի և Թիֆլիսի հայկական դպրոցներում: 1919 թ. ուսումը շարունակեց Թիֆլիսի պոլիտեխնիկական ինստիտուտի հասարակագիտական ֆակուլտետում, որը և հաջորդությամբ ավարտելով 1924 թ. վերադարձավ Հայաստան՝ դասախոսական աշխատանքի: Այստեղ էր, որ նախ երևանի կուսակցական դպրոցում, այնուհետև՝ հատկապես երևանի համալսարանում և հանրապետության այլ բարձրագույն ուսումնական հաստատություններում աշխատած տարիներին դրսևորվեց նրա գիտա-կազմակերպչական, մանկավարժական տաղանդը: Վ. Հ. Ռշտունու անվան հետ է կապված երևանի պետական համալսարանում ՍՍՀՄ պատմության ամբիոնի հիմնադրման նախաձեռնումը, որի ղեկավարն էր չորս տասնամյակ անընդմեջ: Այստեղ նա դասախոսեց սոցիալիզմի պատմություն, ապա՝ մշակեց ու վարեց ՍՍՀՄ պատմության դասընթացը, եղավ համալսարանում պատմության գծով ասպիրանտուրայի հիմնադիրներից մեկը: Ավելի քան հիսուն տարի նա շրուպացող եղանակով ու նվիրումով կազմեց հանրապետությունում երիտասարդ սերնդի ուսուցման, հասարակագիտության բնագավառի գիտական կադրերի և բարձրորակ մանկավարժների պատրաստման կարևոր գործի առաջագծում:

Մանրակշիռ է Վ. Հ. Ռշտունու ներդրումը սովետահայ պատմագիտության մեջ: Նրա բեղմնավոր գրչին են պատկանում XIX դարի և XX դարի սկզբի հայ ժողովրդի պատմության մի շարք առանցքային հարցերի նվիրված բազմաթիվ գիտական աշխատություններ: Ուշագրավ են հատկապես նրա «Հայ հասարակական հոսանքները և 1861—1864—1870 թթ. գյուղացիական ռեֆորմը» (երևանի պետհամալսարանի «Գիտական աշխատություններ», հատ. 13, 1940 թ.), «Գյուղացիական ռեֆորմը Հայաստանում 1870 թ.» (ոուսերեն, 1947 թ.), «Հայ հասարակական հոսանքների պատմությունից» (1956 թ.), «Ուղղադեմ Հայաստանի գյուղացիության պատմություն» (մաս Ա, 1960 թ., մաս Բ, 1968 թ.) ծավալուն աշխատություններ:

րը, ինչպես նաև բազմաթիվ այլ ուսումնասիրություններ, որոնք լույս են տեսել համալսարանի «Ինտական աշխատություններում» (1946 թ., հատ. 23, 1948 թ., հատ. 27), ԳԱ հասարակական գիտությունների «Տեղեկագրում» (1945—1947 թթ. համարներում)։

Մեծ են Վ. Հ. Ռշտունու ծառայությունները արևելահայ գյուղացիության և գյուղացիական շարժումների (հատկապես XIX դարի վերջի և XX դարի սկզբի) պատմության ուսումնասիրման ասպարեզում։ Բացի նշված «Ուրվագծերից», գյուղացիության սոցիալ-տնտեսական և իրավական դրության, ցարիզմի սոցիալական փառաբանության և հայկական գյուղում ծավալվող դասակարգային պայքարի հարցերը նա բարձրացրել է նաև (4. Ստեփանյանի մասնակցությամբ կազմած) սկզբնաղբյուր-փաստաթղթերի արժեքավոր հավաքածուներով։ Արխիվներում տարիների ջանասեր աշխատանքով հայտնաբերված ու գիտական շրջանառության մեջ դրված փաստաթղթերը ամփոփվել են «Գյուղացիական շարժումները Հայաստանում XIX դարում», «Ցարիզմի ագրարային փառաբանությունը Հայաստանում XX դարի սկզբին», «Վրաստանում, Ադրբեջանում և Հայաստանում ցարիզմի ագրարային փառաբանության պատմությունից» ժողովածուներում։

Վ. Հ. Ռշտունին հայ ժողովրդի պատմության կարևոր հարցերը բնարկել է Ռուսաստանի, հատկապես Ադրբեջանի ու Վրաստանի պատմության հարցերի հետ առնչված։ Նա ցույց է տվել անդրկովկասյան երկրամասում ցարիզմի փառաբանության կիրառման, ոռոսական կապիտալիզմի կողմից կովկասի տնտեսական նվաճման ու հարևան երկրների սոցիալ-տնտեսական զարգացման և՛ բնորոշումը, և՛ առանձնահատուկ գծերը։ Այս իմաստով նրա գիտական վաստակը, դուրս գալով իր հայագիտական նշանակության շրջանակից, հայտնի չափով վերաբերում է նաև կովկասագիտությանը։

Կոմունիստական կուսակցությունը և սովետական կառավարությունը բարձր են գնահատել Վ. Ռշտունու ծառայությունները՝ պարգևատրելով նրան Լենինի շքանշանով, Հայկական ՍՍՀ Գերագույն սովետի սլատվոգրով և շնորհելով գիտության վաստակավոր գործի կոչում։

Նշելով Վ. Հ. Ռշտունու ծննդյան 80-ամյակը, մենք այսօր մեկ անգամ ևս հարգանք ենք արտահայտում անվանի գիտնականին ու վաստակաշատ մանկավարժին։

Ս. ԱՆԻՔՍԱՆՅԱՆ